

A Slolonel Dios D'a Viñaj

SOFONÍAS

Sofonías sb'i jun libro tic, yujto a slolonel Dios yalnac d'a viñaj Sofonías tzl'ib'ab'ilcan d'ay. Ec'nac viñ d'a stiempoal viñaj Nahum yed' viñaj Habacuc. A yuj tas syal jun libro tic, snachajel cuuj to ayocto yalannaccanel juntzaïl lolonel tic viñ ayic mantzac meltzajxi spensar eb' aj Judá d'a scheecnab'il Jehová d'a stiempoal viñaj rey Josías. A jun libro tic, syalcot yuj smul eb' anima slaj ochi, yuj chi' syac'cot yaelal Dios yic satel eb'. Syalanpaxcot yuj yaelal ol javoc d'a yib'añ eb' aj Judá, yujto tz'och eb' ejmelal d'a juntzaïl comon dios. Ol satjocpaxel juntzaïl choñab' d'a yol smacb'en eb' filisteo yuj Dios. Palta axo pax choñab' Jerusalén jun, yalnac Dios to ol b'ochajxoc. A d'a jun tiempoal chi', a eb' anima ol cajnaj eb' d'a emnaquilal yed' d'a stojolal. Yuj chi' a jun libro tic, slajvican yed' jun b'it yic tzalajc'olal.

Sc'ual yoval sc'ol Jehová

1 1 Aton juntzaïl lolonel tic ix yal Jehová d'ayin Sofonías in tic, yuninal in viñaj Cus, yixchiquin in viñaj Gedalías yuninal viñaj Amarías yuninal viñaj Ezequías. Ayic ayoche viñaj Josías yuninal viñaj Amón reyal d'a Judá, ata' ix lolon Jehová d'ayin.

2 A Jehová ix alan d'ayin icha tic: Ol in satel masanil tas ay d'a sat luum tic.

3 Ol in satel eb' anima, ol in satel noc' noc', noc' much yed' pax noc' chay. Ol in satel eb' chuc yed' schucal. Ol in satel eb' anima d'a sat lum luum tic.

4 Ol vac'och yaelal d'a yib'añ choñab' Judá yed' pax d'a yib'añ masanil eb' cajan d'a Jerusalén. Ol in satel juntzaïl b'aj tz'och eb' ejmelal d'a comon dios scuchan Baal d'a jun choñab' tic. Mañxa b'aj ol checlajcanoc yed' pax sb'i eb' sacerdote ol in sucsatoc.

5 Ol in satel eb' sq'ue d'a yib'añ tac pat lesal d'a masanil tas chequel d'a satchaañ. Ol in satpaxel eb' tz'em cuman yic tzin yac'an b'inajoc, palta syac'pax b'inaj sdiosal eb' scuch Milcom.

6 Ol in satpaxel eb' syiq'uel sb'a d'ayin, aton eb' max yal sb'a d'ayin, eb' max yaq'uem sb'a yic sc'anb'an sb'a d'ayin.

7 Numan tzex aj d'a vichañ a in Jehová in tic, yujto a sc'ual yoval in c'ool, lac'anxo ay. Toxo ix in siq'uel noc' noc' ol in mil-cham silab'oc. Toxo pax ix in sic'canel mach avtab'il vael vuuj.

8 A d'a jun c'ual chi', ol vac' val och yaelal d'a yib'añ eb' yajal yed' d'a yib'añ eb' yuninal eb' viñ rey yed' pax d'a yib'añ juntzaïxo eb' tz'ac'anoch spichul eb' ch'oc choñab'il.

9 Ol vac'och yaelal d'a yib'añ eb' tz'ochb'at tz'itnaj d'a yib'añ sb'achnub' spuertail templo, eb' syac' b'ud'joc stemplo scomon

- diosal yed' b'eyumal syic' eb'
d'a spatic yelc'umal yed' pax
yuj yac'an musansatil ebl'
yetanimail.
- 10** A d'a jun c'u'al chi', ol ab'chaj
yel yav anima d'a puerta b'aj
tz'och eb' choñum chay d'a
schab'il macaïn choñab'. Ol ab'
chaj sc'añ yel c'acap d'a lum
tzalquixtac.
- 11** Avajañec, mach ex cajan ex d'a
mercado, yujo masanil eb'
choñivajum ol chamel eb',
masanil eb' tz'ac'an tumin
majanil, ol satel eb'.
- 12** A d'a jun c'u'al chi', ol in say vil
Jerusalén, icha tz'aj saychaj
junoc tas satb'at yed' te' tz'ictaj.
Ol vac'och yaelal d'a yib'añ eb'
anima malaj tas sna' ticnaic,
lajan eb' icha vino toñej
tañanem yich, syal eb' icha tic:
A Jehová, max yac'cotlaj vach'il
d'a quib'añ, añejtona' mañi ol
yac'paxcotlaj chucal, xchi eb'.
- 13** Yuj chi' a masanil jantac
sb'eyumal eb', ol ic'chajec'oc
yed' spat eb' ol juchajemoc. Ol
sb'oq'ue spat eb', palta mañoc
eb' ol cajnaj d'a yool. Ol yavej
yuva eb', palta mañoc eb' ol
uc'an svinoal, xchi Jehová.
- 14** Lac'anxo ay jun sc'u'al yoval
sc'ol Jehová. Te nivan yelc'och
jun c'u'al chi'. Lac'anxo ay, yel
c'olal sjavi. Ab'ec, a d'a jun
c'u'al chi', vach'chom eb' soldado
te tec'an, ol oc' eb' yuj
xivelal.
- 15** A jun c'u'al chi', sc'u'al yoval
sc'ol Jehová, sc'u'al yaelal yed'
cusc'olal. A d'a jun c'u'al chi', ol
juvoquel choñab', tz'inini ol
ajcanoc, ol q'uib'b'oc q'uinal,
- q'uib'alq'uinalxoñej ol ajoc, ol
muslajpaxoc, vevenxoñej ol
ajcanoc.
- 16** A d'a jun c'u'al chi', sc'u'al
spuchaj q'uen trompeta yic oval
yed' yel yav eb' soldado yac'an
oval d'a choñab' ayoch smuroal
yed' storreal te chaañ yajq'uei.
- 17** Syalan Jehová icha tic: Ol vac'
val och eb' anima d'a ilc'olal,
yuj chi' lajan ol aj sb'eyec' eb'
icha sb'eyec' eb' max uji yilani,
yujo sic'lab'il ix och schucal eb'
d'a vichañi. A schiq'uil eb', ol
b'atcan quib'naj icha lum pococ,
axo snivanil eb', toxoñej ol
q'uecan b'ulan icha stza' noc'
noc', xchi Jehová chi'.
- 18** A d'a sc'u'al yoval sc'ol Jehová,
a q'uen oro yed' q'uen splata
eb' anima, mañxo ol yal scoljiel
eb' yuj q'ueen. Yujto a yoval
sc'ol chi' ol ac'an satel jun
nación tic. Mañ junipoc ol satel
masanil eb' cajan d'a jun
nación tic. Icha tz'aj stz'ab'at
junoc tas yuj te' c'ac', icha chi'
ol aj satel eb'.
- 2** ¹ Ex anima malaj jab'oc
sq'uijvelal, molb'ejec e b'a yic
tze naan sic'lab'il,
- ² yac'b'an manto javi jun c'u'al
naanxo yuj Jehová, jun c'u'al te
ay smay. Ol ex saclemb'at yuuj
icha tz'aj yic'jib'at smatz'il ixim
trigo yuj ic'.
- ³ Mach ex emnaquil tzeyutej e
c'anab'ajan tojolal d'a jun
nación tic, aq'uecoch e b'a d'a
yol sc'ab' Jehová e masanil.
B'eyb'alejec tojolal yed'
emnaquilal, talaj olto ilchaj b'aj
ol e col e b'a d'a jun c'u'al yic
yoval sc'ol Jehová chi'.

- A yaelal ol javoc
d'a yib'añ juntzañ nación**
- 4 Tz'inini ol ajcan choñab' Gaza. Cuseltac ol ajcan choñab' Ascalón. D'a c'uallil ol pech-chajel eb' cajan d'a Asdod, axo pax eb' cajan d'a Ecrón ol ic'-chajel eb', icha stoc'chajq'uetu junoc te te' yed' sch'añal yib'.
- 5 Mach ex cotnac ex d'a Creta, ex cajan ex d'a stitac a' mar, toxo ix yal Jehová tas ol javoc d'a eyib'añ. Syalan icha tic: Ol in satel choñab' Canaán, aton schoñab' eb' filisteo. Maiño junoc mach ol can cajan ta', xchi Jehová.
- 6 Masanil choñab' d'a stitac a' mar, axoñej noc' calnel ol va d'ay. Axoñej ta' ol sb'oq'ue slech pat eb' tañvum calnel yed' smacte' noc' scalnel eb' chi'.
- 7 A eb' mañ ol cham d'a Judá, ol yic' smacb'en eb' d'a jun lum luum chi'. Ata' ol laj b'at eb' stañvej noc' scalnel, axo d'a te' pat d'a Ascalón ol laj vay eb' d'ac'valil, yujo a Jehová Dios ol tañvan eb', ol ic'jocpaxq'ue chaañ eb' yuuj.
- 8 A Jehová tz'alan icha tic: Ix vab' val sb'uchvaj eb' moabita yed' eb' amonita d'a eb' in choñab', syalanpax eb' to ol yiq'uec' lum sluum eb' in choñab' tic eb' yalani.
- 9 Yuj chi', a in Jehová in tic svala', a Moab yed' Amón chi', lajan ol aj icha ajnac Sodoma yed' Gomorra, aton meltzaj-nacoch b'aj sq'uib'q'ue te' q'uiix yed' pax b'aj sb'o atz'am atz'am. Tz'inini ol ajcan d'a junelñeij.

- Axo eb' mañ ol cham d'a in choñab', a eb' ol ic'anelta tastac ay d'a eb', a eb' ol macb'enan-can slum eb' chi', xchi Jehová.
- 10 Aton spac chi' ol scha Moab yed' Amón, yujo ix b'uchvaj eb' d'ayoñ schoñab' oñ Jehová Yajal d'a Smasanil. Ix yalanpax eb' to syiq'uec' lum co luum eb'.
- 11 Ol cot val yoval sc'ool Jehová d'a eb'. Ol satel juntzañ comon dios ay d'a smasanil yolyib'añ-q'uinal tic. Axo eb' cajan d'a juntzañ lum luum ay d'a snañal a' mar, ol och eb' ejmelal d'a Jehová b'aj cajan junjun.
- 12 Yed' ex pax tic, ex aj Etiopía, ol ex cham yuj yespada Jehová.
- 13 Ol yac'anpax yaelal Jehová d'a yib'añ eb' cajan d'a Asiria ay d'a norte yic satel eb'. Tz'inini ol ajcan choñab' Nínive yuuj, tz'inan luum ol ajcanoc.
- 14 Ol juchajem spat eb!. Axoñej noc' molb'etzal noc' yed' noc' c'ultaquil noc' ol aj ta'. Axoñej noc' cujub' yed' noc' sotz' ol oc' d'a schontac yoyal spat eb' chi', ol laj oq'uelta noc' d'a ventena. Toxoñej ol och b'ulan noc' joj d'a sti' spuertail spat eb' chi'. Axo te' c'ute' ayoch schemte-aloc yool, ol laj el te'.
- 15 Icha chi' ol utaj jun choñab' te ac'umtac syutej sb'a, malaj tas sna'a, syipc'olej sb'a sch'ocoj, syalan eb' cajan d'ay icha tic: Malaj junocxo choñab' lajan yed' co choñab' tic, xchi eb'. Palta ol can tz'inan, axoñej noc' chium noc' ol cajnajcan ta'. A eb' ol ec' d'a slac'anil chi', ol schiñub'tañej sc'ab' eb', ol b'uchvaj eb' d'ay.

A schucal Jerusalén yed' scolnab'il

- 3** ¹ Ob'iltac eb' aj Jerusalén, aton jun choñab' b'aj cajan eb' anima te pit, eb' yelxo val te chuc yed' pax eb' ixtum anima.
- ² Maj scha yab' eb' tas ix yal Jehová, te chuc pax ix yab' eb' ayic ix cachji eb' yuuj. Maj yac'och Jehová sDiosal eb' yipoc sc'ool, maj sc'anb'ejpax jab'oc sb'a eb' d'ay.
- ³ A eb' sreyal eb', lajan eb' icha noc' choj tz'el yav yuj vejel. Axo eb' sjuezal eb', lajan eb' icha noc' oques mañxo junoc sb'aquil schib'ej syactejcani yic schi d'a junxo c'u.
- ⁴ A eb' syaloch sb'a schecab'oc Dios, syic'chaaï sb'a eb', añej d'a yol yic eb' scomon loloni. A eb' sacerdote, syixtejb'at scaj-nub' Dios eb', max sc'anab'ajej pax sc'ayb'ub'al Dios chi' eb'.
- ⁵ Palta, ayec' Jehová d'a co choñab' tic, añej tas tojol sc'ulej, malaj juneloc sc'ulej junoc tas mañ vach'oc. Junjun q'uiñib'lil sch'oxanel stojolal. Axo pax eb' chuc, max q'uixvi jab'oc eb'.
- ⁶ A Jehová tz'alan icha tic: Toxo ix laj in satel juntzaï nación. Toxo ix laj vec lañchaj storreal smuroal schoñab' eb'. Tz'inini ix vutejcan yoltac calle, mañxalaj junoc mach tz'ec' ta'. A d'a juntzaï choñab' chi', mañxa junoc anima cajan.
- ⁷ Ix vutej icha chi', talaj a eb' aj Jerusalén tic, ol ja sxivc'olal eb' d'ayin, yic a ol vac'an scach-nab'il eb', ol in sc'anab'ajej eb'. Tato icha chi', mañ ol in juem

scajnub' eb', mañ ol vac'paxoch syaelal eb', icha ix aj in naani. Palta axo eb' jun, yelc'olal ix tzalaj val eb' sc'ulan masanil macañ chucal d'a vichaï.

- 8** Yuj chi' taïvejec sjavi jun c'u ayic ol in ch'oxanel smul masanil eb' sc'ulan chucal. A in Jehová in sval icha tic: Toxo ix in na to ol in molb'ej masanil nación yed' masanil choñab', yic ol vac'och yoval in c'ol d'a yib'añ eb' anima cajan d'ay. Masanil yolyib'añq'uinal ol satel yuj yoval in c'ool.
- 9** Ayic ol c'och jun c'ual chi', axoñej lolonel vach' ol vac' yal eb' anima smasanil, yic vach' a masanil eb' anima d'a junjun choñab', ol yal vach' lolonel eb' d'ayin. Junxoñej ol aj yalan sb'a eb' d'ayin.
- 10** A eb' in choñab' sacleminac yaj-canb'at ticnaic d'a se'axepal a a' yic Etiopía, a d'a jun c'ual chi' ol laj javoc eb' smasanil ul yaq'uem sb'a d'ayin yed' yofrenda.
- 11** Ex in choñab', a d'a jun c'ual chi', mañxo ol ex q'uxvoc yuj e chuc b'eyb'al, aton b'aj ix e pitej e b'a d'ayin. A d'a jun c'ual chi', ol viq'uel eb' stzalaj yed' yac'umtaquil d'a e cal. Mañxo ac'umtacoc ol eyutej e b'a d'a jun tzalan b'aj tz'och ejmelal d'ayin.
- 12** Axoñej eb' anima emnaquilal syutej sb'a ol vac'can cajan d'a in choñab' chi', axoñej d'ayin ol scol sb'a eb'.
- 13** A eb' aj Israel olto canoc, mañxo ol sc'ulej eb' tas mañ tojoloc, mañxo ol yalpax lolonel

- eb' mañ yeloc. Mañxalaj pax b'aq'uiñ ol yixtej eb' yetanimail eb'. Junc'olalxoñej ol aj eb', mañxalaj mach b'aj ol xiv eb', toxoñej ol va eb', junc'olalxoñej ol aj eb', xchi Jehová.
- B'it yic tzalajc'olal yuj Jerusalén**
- 14** B'itanañec ex aj Sion. Q'ueocab' chaañ e jaj e b'itan ex aj Israel. Tzalajañec ex aj Jerusalén, tzalajañec val.
- 15** A Jehová, toxo ix yic'canel eb' tz'ac'anoch yaelal d'a quib'añ, toxo ix spatiiquejel eb' ayoch ajc'olal d'ayoñ. A Jehová co Reyal ayec' qued'oc. Mañxalaj b'aj ol oñ xivoc.
- 16** A d'a jun c'uall chi', ol yal anima d'a eb' aj Jerusalén ichatic: Ex aj Sion, mañxo ex xivoc, mañxoocab' el yip e c'ab' yuj xivelal.
- 17** A Jehová e Diosal ayec' eyed'oc. A spoder tzex colani, ste tzalaj eyed'oc. Yujto xajan ex yuuj, yuj chi' mañxalaj tas ol yala!. A yuj stzalajc'olal chi' ol b'itanoc,
- 18** icha tz'aj yoch b'it d'a sc'ual q'uiñ, xcham eb'. Syalan Jehová: Ol viq'uel juntzañ cusc'olal ayoch d'a eyib'añ, ol vic'anpaxel q'uixvelal tzex ic'ani.
- 19** A d'a jun c'uall chi', ol vac' yovalil d'a juntzañ eb' ix ex ixtani. Ol in colvaj d'a eb' yatac val ay yed' d'a eb' saclemnac-canb'ati. Ol vic' val chaañ snivanil eyelc'och d'a masanil yolyib'añq'uinal yuj b'aj ix ex ixtaji.
- 20** A d'a jun c'uall chi', ol ex vic'-coti. Ol ex in molb'ej, ol in q'ueyan tas ayoch d'a eyib'añ. Ol ex vic'an val chaañ, nivan ol aj eyelc'och d'a scal masanil choñab' d'a yolyib'añq'uinal tic. Ol eyil val ex vic'anxi chaañ, xchi Jehová.